

Relaciona cu prijs halto di awa y coriente

Andin Bikker a pone "Deadline" pa WEB, ELMAR y pais Aruba pa bin cu un fondo di energia alternativo



ORANJESTAD (AAN): Durante e conferencia di prensa extraordinario convoca ayeramainta pa partido Democracia Real, Mr. Andin Bikker a referi na e ultimo desaroyonan di loke ta e caso cu el a entama contra gobierno relaciona cu e prijs halto di awa y coriente caminda e brandstofclausule ta hunga un rol hopi importante den esaki.

A manifesta cu hopi hende no sa y no ta realizando, pero na aña 2001, e prome destaho publico pa loke ta e proyecto di dump, tabata tin un compania cu yama Green Line cu a ofrece na gobierno pa bin cu un sistema di kima sushi y produci coriente.

A bisa cu gobierno no a worry cu e oferta aki y na aña 2004, nan a bolbe bin cu e di dos proyecto di expansion di dump. Nan tabata conoce e tecnologia. Tin un otro compania cu yama Nanogo cu tambe a establece su mes na Aruba y cu tambe tin e

tecnologia di kima sushi pa e coriente, caminda nan no a pone e exigencia ey den e destaho publico y aworaki pa e gran sorpresa di tur hende, nos ta bay haya un sistema cu ta bay usa coriente pa transforma sushi den balanan di fluff. Cu esakinan, nan ta yena dam cune, cu terenonan cu hende a coba y despues ora cu no tin caminda di yena mas, no sa kico ta bay haci cu e fluff aki tampoco.

Segun Andin Bikker, a ser

haya 28 miyon regalo for di Fondo di Desaroyo di Hulanda of pa Aruba, pero ta bin fondonan di Hulanda cu practicamente por worde usa. A indica cu cada bez ta tende e argumento cu e energia alternativo no ta pagable ni factible. "Ki mishi no ta factible si bo tin placa regala cu con inverti den dje".

Banda di esaki, a expresa, e di dos proyecto di expansion di dump tin un diferencia cu

e otro di 28 pa 73 miyon. A bisa cu e diferencia aki ban use pa crea energia alternativo.

A agrega cu el a duna nan te 10 di Augustus y si pa e fecha aki, WEB, Elmar y gobierno di Aruba no sinta na mesa cu

nan pa yega na un areglo of nan no bay di acuerdo pa crea e fondo di inversion eynan, nan ta bay cuminsa un of mas caso pa yega na e caminda cu nan kier yega cu ta crea un fondo di energia alternativo.

Emisora tabata duna informe falso

Ningun hende a fayece den accidente


ORANJESTAD (AAN): Pa un caso asina sensitivo, ta facil pa periodista djis marca e vocero policial su number, y yame pa puntre si acaso e detaye ta corecto of no.

Diahuebs henter dia, e informe falso a circula cu un accidente fatal a socede den oranan di mainta na Santa Cruz.

Pero nada di esey ta corecto. Pa colmo ata den noticiero na radio, tambe ta duna detaye di e accidente "fatal" aki.

Te na ciere di edicion aki, ningun hende a fayece di e accidente cu a socede den oranan di mainta na Santa Cruz.

ANDIN SIGUI ASINA!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



Maletin pa
Skol
SPECIAL

Afl. 35,=